



## → AGLAIT ←

# ILLUNAINORTUT. ↗

Nr.23

Nain,

Mai

1905.

Nr.23

I j i p t a t a u t u k t a n g i t .

Illangañe sillakidartillugo kappiartinekarpok ânanaudlartomik, takkominadlartomik tataminiarutigijaptingniglo. Oktortauvogut aglât kanitomit kemergojomavlugit. Illa illangañe umiangoat pujolingoallo piviktomik takkovavut. Suerngartauvluta appertsorungnarpogut: Suna kannâ? nakit pilerkâ? angijoâlôvun-ai? Takkunârtilluta sulle nippadlarivut, suerngartauniksaptingnuttauk. Taimaileraimat okartokasôngovok: Tâvale, silla sujutuinar-niarpok.

Assianigle uerinarnersamiglo ijivut takokattarivut. Tamakkotiguna sillakisiortok ômame uiverijauvlune sillakisiorungnaidlarivok. Illa tapsomane silla sujutuinar-pok.

Ijîngme pinarijanginik mallilaurame, inuk uiverijaudlarpok. Ajortomullo uiverijausimajok sillakisiorungnairpok. Tatamnarpok ijîngme pinarijanginik kemergoler-tillugo, uviningmelônêt kajungilârninginik namaksititsi-nasuartillugo, uiverijautuinarmat. Illa tatamnarpok, makojungnartok Sâtanasemut pinarnartitaukattarmat ijiptingnut. Taimai porle. Taimaglo unuktut ingmingne



inûkatimingnullo sillakimêtsiarungnaidlarput.

Ijîkik takosaraidlarpuq, Nagliktakka, malliktailikigle! Imauatsiarmat: Pujolingeat allakkartut kappiartinekut imarpingme aivigijomana jarungne, ânanaugidllarangne, nellonalungilat, pissuklutit asserorniaravit kiviniarlutitto imarpingme. Taimak kiviniarputittauk asserorniarlutitto, ijvit tautuktanginik mallikuvit. — „Nane ? ” —

S. W.

### K e n e r t a k n a g l i n g n i k t o k .

Angut aluitok kippalokutelik unuktokassangnik Amerikame inôjok tillikleriakarpok kitorngângminik iglome assianut imarbiub akkianêtomut. Sorruksik mikijongmanik sulle, tunnijauvuk kernertamut kippalôjomut, tapso-munga pairijautsiarkovlugik. Imarbiksiortillugit akuaaksoalerpok. Umiasûb angajokânga kissarvingmut itterasarpok pijungnartaminik, pijarinanele ikkarojâmut pivok. Umiaksoak imarusivok. Kukkiutsoak kukkertaupok minutit tamaita, nellonaijaivlune umiaksûb nangianartomêninganik. Umiak piulijaunartok umiaksoaliarpok nunamit, ussekartitauniarlune inungnik pijungnartanginik umiaksoarmit kivilertomit. Sulle angut atausek umiaksoamêpok.

Umiab piulijaunartub angajokânga kaujumatsiarpok, angut tamna kemaktaugune asiotuinarniarmat, taimaimat ikkikovâ tuavi. Ikkijomalermat, takuksaupok, tigumiarmat ochumaikassaktomik imusersimajomik. Umiarle tetterêrmat, angajokâb kaigarsugvigivâ, akarlune: „Tigumiartat neksaraksaringilat, kemmasâruk tuavidlutit, kemangniarpaptigillônêt.” Inuit umiamêtut erkasulua-



lungilat sumik piniarmangât kippalotuinaungmat, taimai-  
 tublo inosinga akkitogijaulungilak. Umiaksaormêtok  
 isumaksarsiorvekalualungilak, kajusijuksauvok tagvainak  
 imak taimaglônêt, tigumiartanga kemaktaujuksauvok,  
 tamnalônêt nangminek kemaktauniarpok. Issumajalungi-  
 lak, tagvainarle tigumiartane ningitipâ umiamut, umiarlo  
 aularpok. Kaujivallukpose sunaumangât kippalokutib  
 tigumiartanga akkitoginersarijanga nangminerminit.  
 Inuille umiamêtot kaujilungilat. Kaujijomagamigle  
 sunauninganik imujarpât, nutte nagvarput kippalokutib  
 angajokângata kitorngâgingnik, tunijaumajungnik kipalub  
 pairsininganut. Kippalo piulijomangilak nangminerminik  
 angajokâme kitorngâgik assiotillugik. Tapkoa kanoenatik  
 uttertitauvuk atâtamingnut, kippalole kivikattauvok  
 illuvermut imânêtomut. Angerkattauniarpallukpose  
 kippalo tamna taijaksaungmat „Kernertamik naglingnik-  
 tomik.” Nangminiksarsilungilak, nertornarmarikporle,  
 Kristusemiôjomaguptalo taimailiorasuartuksauvogut  
 inosiptingne tamât. W. P.

K i n a m u t o k p e r m a n g â r m a .

Umiaksuit illangat imarbiksiorpok akkunaksoangotillugo.  
 Angajokâb aipanga iksivakatigijanga akokscame kapia-  
 sudlarlune illimasukpok umiaksûb kanoetokarninganik.  
 Taimaimat tataminiarpok aipame illimasungininganik  
 nangialungininganiglo. Okautivâlo: „Nagliktara, nangia-  
 lungilatit? kanok nipporungnarkêt taimak akunaktillugo?”  
 Angajokâb, iksivautaminit nikovidlune ajakparlunelo  
 napajemut, saviksoarne amuvâ terâtilâllo aipame sag-



vinganut kaigarsukorlo: „Saviksoak una erksigingipiûk?”  
 Arnak kiovok tagvainak: „ Ahaila, erksigingitara.” „Sôg?”  
 angajokâk aperivok. Arnangat kiovâ: „Kaujimagama,  
 aipama agganginêngmat tapsomalo nagligidlarmanaga  
 âniatiniarnangalo.” „Tagga — angajokâk okarivok — erkai-  
 laurit, okpervigijara kaujimagapko. Tapsoma annore  
 imaksuille aggangminut tiguvaît, taimaimallo annore  
 malliksuillo erksigijariakangilakka, tapsoma pairingma-  
 nga. W. P.

### K i g u t s i t . [Nr.20 22 lo]

6. Josia II. Attan. 22, 1.

7. Haman Ester 9, 13. 14-

8. Is r aele Is m aele Salom o Salom e.

9. Augustuse Luk. 2, 1 Tiberuse Luk. 3, 1 Klau-  
 diuse Ap. pin. 11, 28. A. M.

### K a u j i j a k s a k .

Tunergutearsuit kaitaumajut aglârsungnut  
 ukkununga taijomavavuttauk sulle. 1905 sivorngane  
 kaitaujut imailingavut :

Hoffenthalemiunut	\$ 4. 20
Nainemiunut	\$ 3. 54
Okamiunut	\$ 2. 29
Hebronemiunut	\$ 0. 49
Ramamiunut	\$ 0. 00

Kattillugit: \$ 10. 52

Tunergutearsuit ukua kujaliutigidlarpavut, tussuvogullo  
 tachalivuttauk ikajornersauvalliarkovlutik. C. S.